

UGOVORNE STRANE:

1. **Veterinarski fakultet u Sarajevu** (u daljem tekstu Fakultet) , kojeg zastupa dekan prof.dr. Nihad Fejzić

i

2. „**Planinsko dobro**“**d.o.o Rogatica, Ergela Borike**(u daljem tekstu Ergela Borike), kojeg zastupa direktor Slavenka Stojanović.

Zaključili su dana 10. 01. 2013. godine sljedeći

UGOVOR

o nastavnoj, naučnoj i stručno-tehnološkoj saradnji

I- PREDMET I CILJEVI UGOVORA

Član 1.

Svrha ovog ugovora je reguliranje uslova i načina nastavne, naučne i stručno-tehnološke saradnje između ugovornih strana.

Glavna područja saradnje u okviru ovog ugovora će biti sljedeća:

- edukacije studenata Fakulteta;
- izvođenje praktične nastave na ergeli;
- ispitivanje i utvrđivanje zdravstvenog statusa grla s ergele;
- dijagnostički, preventivni i kurativni tretmani u skladu sa planom i programom izvođenja nastavnog procesa.

II- DOPRINOS ERGELE BORIKE

Član 2.

U cilju realizacije ovog ugovora Ergela Borike se obavezuje da će:

- obezbjediti nesmetan pristup akademskom osoblju i studentima Fakulteta u krug ergele, kako bi obavili praktičnu nastavu, kao i sve druge radnje koje će omogućiti provođenje edukacije studenata po nastavnom planu i programu uz prethodni dogovor sa Veterinarskom službom na ergeli;

- obezbjediti parking prostor u krugu ergele za službena vozila fakulteta kojim će se studenti dovoziti i odvoziti na nastavu;
- obezbjediti adekvatan prostor pratećim sadržajima (sanitarni čvor i prostor za garderobu);
- jednom godišnje u pismenoj formi dostavljati Fakultetu /šefu klinika/ izvještaj o zdravstvenom statusu životinja sa kojima studenti dolaze u kontakt;
- omogućiti učešće akademskog osoblja i studenata u rutinskim zahvatima;
- omogućiti učešće akademskog osoblja i studenata u dijagnostičkim, preventivnim i kurativnim tretmanima;
- omogućiti učešće akademskog osoblja i studenata u uzimanju uzoraka krvi od grla sa farme radi vršenja analize istih u skladu i na način kako je to propisano pozitivnim zakonskim propisima.

III- DOPRINOS FAKULTETA

Član 3.

U cilju realizacije ovog ugovora Fakultet se obavezuje da će:

- za Ergelu Borike obavljati dijagnostičke, preventivne i kurativne tretmane u skladu sa planom i programom izvođenja nastavnog procesa i u dogovoru sa šefom Klinika Veterinarskog fakulteta u Sarajevu.
- za Ergelu Borike obavljati laboratorijsku analizu uzoraka krvi uzetih od grla sa ergele u skladu i na način kako je to propisano programima kontrole bolesti koje su regulisane zakonskim propisima i u dogovoru sa šefom Klinika Veterinarskog fakulteta u Sarajevu.
- Zajedno sa menadžmentom ergele raditi na promociji ergele, učestvovati u istraživačkim projektima i afirmaciji iste pred domaćom i međunarodnom javnošću.

Obaveze iz stava 1. ovog člana Fakultet će vršiti bez naknade.

Član 4.

Ergela Borike će obaveze iz člana 2. ovog ugovora izvršiti bez naknade.

IV- PRIJELAZNE I ZAVRŠNE ODREDBE

Član 5.

Ugovor se zaključuje na period od četiri godine od dana potpisivanja istog.

Član 6.

Izmjene ovog ugovora mogu se vršiti uz saglasnost obje ugovorne strane i to putem aneksa ugovora.

Član 7.


Eventualno sporna pitanja iz ovog ugovora ugovorne strane se obavezuju da će sporazumno riješiti, a u slučaju nemogućnosti takvog rješenja ugovaraju nadležnost suda.

Član 8.

Ovaj ugovor je sačinjen u četiri (4) istovjetna primjerka od kojih svaka ugovorna strana zadržava po dva (2).

„Planinsko dobro“ d.o.o.Rogatica

Bijela Borike



Slavenka Stojanović

Veterinarski fakultet u Sarajevu



prof.dr. Nihad Fejzić

04-28-27/13
10.05.2013.